



COMUNU DE OSINI

Provìntzia de Nùgoro

ORIGINALE

DELIBERATZIONE DE SA GIUNTA COMUNALE DE SU 10-08-2022 n° 55

Ogetu: Is Delìtzias de sa Badde de is Tacos

S'annu duamìgia bintiduos, sa dì deghe de su mese de austu a is oras 10:04 in sa sala de is adunàntzias de su Comunu subra numenadu, cunvocada cun apòsitos aviis, sa Giunta Comunale s'est riunida cun sa presèntzia de is sennores:

Cannas Alfredo	Sìndigu	P
Serra Tonina	Vitze Sìndigu	P
Boi Giorgio	Assessore	P
Piras Attilio	Assessore	P

Duncas presentes n. 4 e ausenti n. 0

Partètzipat su Segretàriu Comunale Dot. Mulas Maria Grazia.

Su Sìndigu Dot. Cannas Alfredo, cunstatadu chi is intervènnidos sunt in nùmeru legale, decrarat aberta sa adunàntzia e ivitat is cunvocados a deliberare subra de s'ogetu subrainditadu.

SA GIUNTA COMUNALE

Bidu su Decretu Legislativu de su 18 de austu 2000, n. 267;

Premìssu chi subra de sa proposta de sa presente deliberatzione:

- su responsàbile de su Servìtziu interessadu, pro cantu pertocat sa regularidade tècnica;
- su responsàbile de su Servìtziu Finanziàriu pro cantu pertocat sa regularidade contàbile;

Segundu de s'art. 49 de su Decretu Legislativu de su 18 de austu 2000, n. 267, ant esprimidu pàrrere favorèvole, ligados in còpia, chi costituint parte integrante e sostanziale de su presente deliberadu.

PREMÌSSU CHI sa manifestatzione “Is delìtzias de sa Badde de is Tacus”:

- tenet sa finalidade de difùndere sa promotzione de sa cultura, de su territòriu e de sa gastronomia de s'intrea comunidade Osinese e de is biddas de sa Badde de is Tacos;

- est resèssida a cròmper s'obietivu, persighidu dae diferente tempus de is biddas de sa Badde de su Pardu, de realizzare una manifestatzione chi ddus acumunt evidentziende is particulares atrativas culturales, naturalìsticas, produtivas e enogastronomicas chi ddus caraterizant in modu de garantire un'unitzidade de sa calidade de is prodotos de is comunidades a is pees de is Tacos;
- est cumpresa comente a unu volanu de promotzione territoriale chi, a traessu de un'ampliamentu e cunsolidamentu de sa matessi, potzat generare faina de isvilupu locale, a s'internu de unu prus ampru programa de promotzione chertu dae custa amministrazione e chi cumprendet diveris progetos de isvilupu turìsticu e econòmicu;
- torrat a s'internu de una sèrie de initziativas chi tenent comente a obietivu sa valorizatzione de su territòriu e s'isvilupu turìsticu de su matessi, fintzas in un'òtica de destagionalizatzione;

Cunsideradu chi , subra de sa base de is art. 13-14 de s'Istatutu Comunale, unu de is còmptos fundamentales de su Comunu est animare sa valorizatzione de su patrimoniù istòricu, artìsticu, culturale, e paesagìsticu de sa comunidade, e nde garantire su gosamentu a banda de sa colletividade, promovende s'isvilupu de su patrimoniù culturale locale fintzas in is espressiones suas de limba, de costùmene e de is traditziones populares;

ATZERTADU chi is pretzedentes editziones si sunt dimustradas un'importante occasione de promotzione pro su territòriu, interessende diveris àmbitos turìsticos, de su turismu esperientziale a su turismu gastronòmicu, de su turismu naturalisticu a cuddu culturale, s'Amministrazione comunale cheret promòvere e torrare a organizzare fintzas in su currente annu sa matessi manifestatzione, destinende is risursas netzessàrias a garantire unu cunsolidamentu e un'ampliamentu de sa matessi;

DADU ATU chi a càusa de s'apretu sanitàriu Covid-19, no est istadu possibile programare sa manifestatzione durante su costumadu perìodu de maju-làmpadas;

TENTU CONTU chi sa RAS cun sa L.R. 21.4.1955 n. 7 art. 3. let. c), “Contributos pro manifestatziones pùblicas de grandu interessu turìsticu”, previdet sa possibilidade de erogare contributos pro sa realizatzione de manifestatziones turìsticas chi siant in gradu de promòvere s'imàgine de sa Sardigna, de atràere flussos noos de visitadores, interagende a forte cun is àteras initziativas pùblicas e privadas de promotzione turìstica de su territòriu;

PIGADU ATU chi sa Regione Sardigna at frunidu diretivas subra de s'erogatzione de is contributos pro sa realizatzione de manifestatziones chi tenent sa caraterizatzione de grandu eventos;

TENTU CONTU chi cun apòsita Determinatzione de s'Assessoradu De su Turismu, Artesania E Cummèrtziu - Direzione Generale De su Turismu, Artesania E Cummèrtziu - est istadu aprovalu s'avisu pro sa presentada de is pregontas de aggiudu pro s'annualidade 2022, e est intendimentu de custa amministrazione formulare una recherta de finantziamentu;

TENTU CONTU chi, pro pòdere presentare rechesta de contribuutu est netzessàriu unu preventivu finantziàriu de intrada e de ispesa, e s'est duncas provididu a iscrivere lare unu programa de sa manifestatzione, presunta e non definitivu;

BIDU su programa preventivu, ligadu a sa presente pro nde fàghere parte integrante e sustanziale;

DADU ATU chi su programa finantziàriu iscritu s'annu 2022 ammontat a € 50.000,00;

DADU ATU CHI :

- sa riunione s'est acumprende non cun sa presèntzia fisica de totus is cumponentes suos benesi cun sa partetzipatzione de su Vitze Sìndigu Tonina Serra e de s'Assessore Attilio Piras de remotu a traessu de s'impreu de sa vèdeu mutida;
- in sa sede munitzipale, in sa sala de is adunàtzias , sunt presentes su Sìndigu, su Segretàriu Comunale e s'Assessore Giorgio Boi;
- sa modalidade de vèdeu mutida impreada permetet a totu is partetzipantes de intervènnere a sa discussione e de bisionare is atos in aprovatzione in prus de chi de achirire su càbidu de su votu esprimidu in forma palesa;

DELÌBERANT

DE APROVARE su programa e su relativu preventivu finantziàriu de sa manifestatzione "Is Delitzias de sa Badde de is tacos " pro s'annualidade 2022, su cale importu cumplessivu est de €. 50.000,00 ;

DE DISPÒNNERE chi is òneres finantziàrios de su presente atu ant a agatare cobertura finantziària de bilantzu casumai sa proposta progetuale bengat finantziada dae is contributos de cales a sa L.R. 7/55 pro € 40.000,00 e pro € 10.000,00 de fundos comunales chi s'ente cheret destinare a is finalidades de promotzione turìstica;

DE DARE MANDADU a s'istrutura de providire a fàghere rechesta de s'insertada de sa presente manifestatzione in su programa de sa RAS segundu de sa L.R. 7/1955 pro s'erogatzione de contributos pro Manifestatziones pùblicas de grandu interessu turìsticu;

DE DISPÒNNERE chi is ufizios protzedant a dare esecutzione de cantu deliberadu cadaunu pro sa cumpetèntzia pròpia;

DE DISPÒNNERE chi is fainas connètidas cun sa realizatzione de s'eventu, in ausèntzia de adeguadas professionalidades internas disponìbiles, potzat èssere afidada a s'esternu;

DE ACUMANDARE a su Responsàbile de su Servìtziu interessadu su cumprimentu de totu is fainas istrutòrias netzessàrias a s'adotzione de is atos sutzessivos e cunsighentes;

DE DECRARARE cun separada unànime votatzione esprimida in forma palesa pro arritzada de manu su presente atu deretu esecutàbile segundu de lege istante ca s'apretu de permìtere sa partetzipatzione a su bandu regionale in is tèrmines.

Su Sìndigu
Dot. Cannas Alfredo

Su Segretàriu Comunale
Dot. Mulas Maria Grazia

=====

Su sutascritu Segretàriu Comunale, Bidos is atos de ufìtziu,
ATESTAT

chi sa presente deliberatzione, in aplicatzione de su Decretu Legislativu de su 18 de austu 2000, n. 267:

Est istada afissada a s'albu pretòriu in sa retza telematica comunale sa die pro bos abarrare BÌNDIGHI dies consecutivas (art. 124, comma 1);

Est istada comunicada, cun litera n. , in data a is cabosgrupu cunsigeris (art. 125);

De sa residèntzia Comunale,

Su Segretàriu Comunale
Dot. Mulas Maria Grazia